



瓜廬詩

瓜廬

近來有新趣買得薛能園踈壤延瓜蔓深
鋤去草根花時長載酒月夜正閉門最識
田家樂辛勤更不言

瓜廬至日即事

西山起還伏挿入萬丈潭漁叟操桂棹樵
斂過草庵年荒酒味薄天旱井泉甘不願
丘園賁惟將易自參

送趙幾道赴台州錄事

薛

師石 景石



國家圖書館, NATIONAL CENTRAL LIBRARY, TAIWAN, R.O.C.



廳前復汲何從來清流海底通九垓天河
地脉滉旋轉上中下井躔三台滿城桃花
二仙種方廣金殿三門開一時會上幾許
人若匪佛種應仙才子公徒知高其間豈
識大化非胚胎今茲送言暫相別詩規筆
誨珍崔嵬傳說明星定入夢方翔跡穢空
諧詼不昵不阿予与汝古交淡、無嫌猜

寄趙紫芝

別後訪消息傳言一丰虛前官已不就可
向定何如若雨厭羈思春風欺舊廬懷人
閉門夕專擬寄來書

會宿趙紫芝宅

郊居無一事喜見友人來促席坐添火推
牕立看梅論詩漏欲盡煮茗匣重開此夜
思徐照墓松猶未栽

贈達西堂

却罷住山緣歸來又十年自知身是妄常
道鉢休傳塔路修來直紗燈影處圓与吾
相對坐語嘿盡通禪

寄蔡任

不見三百日問君消息多身閑詩有味水
靜月無波琴裏懷孤竹書中寄永和遙憐

一江隔何計得相遇

送趙紫芝入金陵幕

為官亦傲居官况定何如昨夜交游散滿
湖秋雨踈此邦佳麗久舊吏拜參初喜是
賢侯幕新年有存書

讀劉靖君碑

儒生身上事皆成身外浮華亦甚輕種竹
滿山門徑小挂冠當路樹枝橫幾於顏子
三生壽分得陶潛一字名何處時今見前
輩只看碑語自心清

漁父詞

十載江湖不上船
捲篷高卧月明天
今夜泊杏花村
只有冬簪當酒錢
鄰家船上小姑兒
相問如何是
別離雙墮髻
一彎眉
愛者紅鱗比目魚
平明霧靄雨初晴
兒子敲針作釣成
香餌小蠶絲
輕釣得魚兒
不識名繫船
蘭汀鮫長鯨
曲袷方袍忽訪吾
神甚爽觀全枯
莫是當年楚大夫
春融水暖百花開
獨棹扁舟過釣臺
鷗與鷺莫相猜
不是逃名不肯來
夜來采石渡頭眠
月下相逢李謫仙
歌一

曲別無言白鶴飛，來雪滿船。
莫論輕重釣竿頭，伴得船歸即便休。酒味
薄勝空甌事，何須着意求。

寄謝黃元信惠茶

建溪金鉞直幾千，余性所嗜一已偏。尋常
草卉不足進，龍團鳳糵如珉堅。長鬚健卒
前月到手提，秉器急取煎。妻兒攢眉笑，苦
澁為言真味。茲天然易牙去已久，吾輩若
與編枵腸，豈廢食睡省。非壯年惜此餘香，
滯喉頰，巡除吟詠，詩成寄題建寧
郡主茶官吏俱時賢。合同緘印一時畢，進

奉飛馳爭春妍。天子不敢嘗，存以寢廟先。
定自褒嘉到屬郡，趣君密邇玉爐煙。一以
此味沃天下，邪魔驅掃無苗連。

送子舒弟之官華亭

執手難為別，愁者去掉孤。船官得閑散，春
晚過皇都。書附海人便，花添住屋圖。有時
吟句穩，還憶老兄無。

送張直翁之筠陽

時平民事少，詩句定能清。况作江西去，放
教秋水生。山花香淡泊，湘竹恨分明。朝士
多知爾，慈溪舊有聲。

送趙端行廷對少寓期待之意

甲科知亦有難得是家傳定入中朝局
還支內賜錢服青初解褐班後忽趨前
獨謝歸廊幕詩呈第一篇

贈葛天民

逃禪已得計易姓豈云非自說身如幻
常人見亦希亭邊看荷葉樓下掛蓑衣
我夜蘇堤月隨君瘦影歸

送廬次夔魚東廬九祕書

蔡邕初入直撰著幾書成可取友若此
遙知人至清朝迴牧疏藁夜語雜詩情
愧我

多年別相煩一寄聲

挽陳叔望

少年曾是魯諸生為立功名別路行
嘗投寶刀戾漢陛再持符節領江城
絕憐詩律雙金在不見林塘五柳成
明日西山歸葬處踏青人散草初平

送葉季重之官吳門

君徒賢人業試官閭闔門但問要離墓
莫看貞娘墳虎丘寺前生野草一花一
葉皆麗好用心冷淡不此嗜自有詩禮
長探討給旁餘閑庭廡空小輿應亦上
垂虹橋邊

夙駛寄書便只寫平安報乃翁我慚空
易踈斥時亦摠衣侍函席春膏流滑僥寄
將待寫續經藏屋壁

寄趙叔魯

相知言莫盡別後意如何命笑春冰薄愁
回夜雨多全家寓京國無地著吟哦會得
窮通理後余緝薜蘿

酬劉子至

寄來書一紙別後喜安和想見清高極吟
成秋思多山頭雲運立月下謫仙歌共是
江湖客斜陽各曬蓑

賦二十八字

水滿溝塍不愁旱急催租稅却憂貧家人
若不憐予拙雪袴冰衫要及晨

紀夢曲

夜夢佳人姱且長星冠霞帔雲衣裳雙眉
淺淡盡春色兩耳炫耀垂珠璫組步逡巡
倏相近世道人情不敢問歛容正笑發一
言不識巫山雲雨恨自從十五季仙徑今
年二十身骨清天上有籍昇其名長聲短
声歌紫瓊紫瓊之章詞宛轉永與人間夙
調遠餘声未竟鍾鼓鳴霧散煙收人不見

水心先生惠碩瓜廬

未成三徑已荒蕪
勞動先生枉棹過
數朵葵榴發
深愧一池鷗
鷺避前呵路
通矮屋
惟添草橋壓扁舟
半沒河
再見榴
惟訪漁父
却無漁父聽清歌

題南塘薛圃

門對南塘水
亂流竹根
橘柢自成洲
中間老子隱
名姓只聽漁歌
今白頭

中山

西峰爭起入雲層
半屬虛空半屬僧
斜日滿山人到少
任着去後
我來登

送趙端行

終、帝族貴
欽茲神秀門
永嘉分
奕葉甚盛
二枝蕃
吾交天樂翁
寔惟游之孫
身雖羈旅
盡詩則騷雅
存姪行有科第
作尉期高騫
是曰提刑後
令問方騰
喧大心欲
圖南小枝
不在言十年
相聚首
偉論孰敢援
交比鮑叔
知志許
諸葛論分携
乃明發
念我守故園
君徃夫
差固不遣
吳水渾
陸靜翫蟾彩
江清烹鮓
豚邑宰話
鄉曲官
廨如荒村
昂藏信多暇
時憶朋友
樽穿達
委天分
守道無競
奔會當春
風吹梅
寔衆花繁

挽徐道暉

昌黎銘最好朋友更情深身沒復何憾家
貧自不禁春山無死草夏木有清陰為鬼
詩還別重來何處尋

漁家

小舟輕似葉憎不畏風濤自說磻溪好翻
疑釣瀨高晚來魚換酒歸去手持篙定是
逃名者時聞歌楚騷

梅雨

梅潤雨兼旬暑月不知夏溪流三尺強舟
人驚昨夜余家有瓜田蘋藻紛揉藉魚鰕

失憑依跳躍至床下早濕畏暮年扶策升
臺榭難願方丈食互市物踊價四鄰各淒
涼惟有酒可借五月藉新白咀嚼勝爽矣
閉門人事絕向晚烏巾卸震雷壓不住神
龍未遑暇或謂蛟為孽胡不寧爾舍旱涉
政本農徧惠及問架皇天無所私未遽損
禾稼一洗天下清作我聖人化

謝陳水雲寄惠瓜廬字

我向村中住無人知姓名結廬難得就種
樹幾時成扁榜龍蛇動飛簷燕雀驚自憐
幽僻地因此亦敷榮

和梅氏西澗韻

此處宜新月開門必向西近江湖有信初
種樹猶低何日尋梅隱移船繫柳堤詩篇
滿牕戶苗壁待余題

秋晚寄趙紫芝

數日秋風冷丘園獨自身閑者籬下菊忽
憶社中人苦詠肩嘗瘦移家債又新極知
君淡泊十載得相親

送王成叟先生訪丁子植

老懶無拘檢一年身耐貧還思溫嶺去別
我苦吟人柳色行三日零風浴暮春舊時

同學友迎拜綠袍新

和葛天民

賈島文章懷素書得來讀罷卷還舒西湖
柳下為君宅東海雲邊是我廬千里江山
長若此一生心抱歆何如相思唯有加飡
食不暇逢人寄鯉魚

戲贈趙天樂

問隱當時意已深近來全廢是清吟并一春
祇為風雷變晝日閑觀天地心聞道每壚
初候火能教瓦礫化成金果然成得知何
用不似瓜廬種紫參

孤山

不到西湖今幾時十年雙鬢欲如絲難尋
和靖題詩處空見梅花成老枝

望夫石

望夫一望幾千年蒼蘚何曾似翠鈿却是
春深更風雨滿身吹淚使人憐

喜翁卷歸

我老寡儔侶年荒值冬迫膝下有啼寒餅
下無儲積豈不展轉思自欠經營策儒冠
匪謬誤賦性素福窄淵明疑夙世荷鋤心
便適嗟予四友朋驚見三化魄一翁尚淒

秩

涼六帙困行役家貧病難愈詩若全白昨
來扣我門偶往比鄰宅聞語亟倒屣已去
歛無迹知君懷百憂維出難久客送今幸
安居况有舊泉石清晨過窮廬竟夕話疇
昔逝者已云遠相期守枯瘠

寄題趙十四知縣聽雨堂

誰彈石上琴涓涓流水響主人性清曠靜
夜逾幽想何心指蓬閣取近对湫蕩應有
可人來煙蓑曳雙槳

塔山和徐道暉壁間韻

寺在一山頂江分兩岫田憑何發詩與題字

古廊边近地今埋骨
閑人亦助錢
昨宵宿意不忍上歸船

送葉宰赴豐城

君往為官處江西
寇已平獄閑空劒氣堂
靜響琴聲有法催常稅
無私得衆情時方
急賢路名定達公卿

喜徐璣至

榮滿自南歸曾過秦
系廬無心緣見道會
面只如初詩好多人說
官清得荐書柴門
勞顧訪未覺四年踈

送蔣肖韓

岳陽有仙跡君去頗相宜
已料官閑日多
吟湘水詩高夙琴
断裂白月酒連漪無意
求人荐惟應我自
知

懷趙紫芝

日沉月上暝煙斜
收拾漁竿恰到家
為憶城南清瘦友
寒宵夢裏見梅花

至日遊湖

此心全剥落今日一陽生
自安身計難
逃素隱名貧中間道
徹閑裏作詩清
別有求漁者笑予憂思盈

自題

半生作計在田廬習懶何曾好讀書誰却
畫作古人襟旁邊還是欠犁鉏

送謝強季王建德薄

少年初試吏濯印富春亭水可清人骨山
曾隱客星俸庶專母養政簡靜公庭守是
賢侯子應者存墨青

寄題趙紫芝墓

辛未聯詩別九年成恍惚大星墜地旋無
元君身入土名不沒吳越之水相交流寂
寞詩魂何處遊不聞孤鶴喚人醒空見梅
花似人影無復東炭招謝客應住西湖伴

和靖世上如今一句無一灵獨存勢歛孤
我有生芻來未得只愁宿草易荒無

贈奩上人

何人養道得如君房接高樓半接雲山地
栽梅寒蘂瘦瓦爐苗火夜香薰者徑尋義
心逾靜坐默觀身耳不聞莫道門前是塵
市須知喧寂此中分

哀徐致中

亡友如今隔杳冥盡身只見病時形書窓
閉久梅添潤花徑荒來草又青一卷詩編
空就緒兩年文會覺凋零幾回行過深

巷不忍登堂不拘局

送薛咏

病裏風光揔度擲岸花園柳雨中休無端
好客隨春去送酒吟詩一併愁

揚柳枝

門前揚柳君莫折長于折處生兩枝兩枝
難作一枝合一心分作兩心時
唯有高枝高莫攀不堪攀處只堪看恁得
樓頭畫眉婦春朝長自凭欄干
獨于高處接陽和占得春風分外多須信
繁華易披折不如柔弱拂江河

東

汴水堤邊薪可求永豐巷口綠成堆盛衰
到底皆惆悵何不移根種馬嵬

和老杜韻

僻懶便出處江湖稱隱心地偏欣改觀樓
豁喜初臨暖日低輕帽良朋接短襟潮聲
全有韻帆影半回陰翠麓添重色鱸風出
淺林岫頭煙瘴遠沙嘴浪痕深寂靜雲歸
壑欄珊月近參人家已鼾睡漁父尚謳吟
造化由來久周迴忽見今愛他斜日照顛
倒數山沉

湖上

勢利絕交初瞿然卧隱廬無營心淡泊見
客礼生疎遊有漁樵伴看多佛老書春深
草易長忘却倩人鉏

宿瞿溪

船泊溪西岸人家見晚春疎星寒有鴈村
寺夜無鐘竹徑通新店茅柴煖病容農夫
不相識問我欲何從

送從善雲遊

鴈蕩天台去閑尋倚杖藤路邊應得句禪
坐似無能頂笠偏愁雪山猿不畏僧僥逢
清塞伴休願入傳燈

多景樓

跨浙連淮是潤州好山全對此江樓少年
志氣慚霜鬢猶憶曾看打陣舟

送法照

論著天台教詩參左緯未閑行過蓬華相
對坐莓苔講席虛前月重遊約後迴仍聞
藏襖帖應許為吾開

送子舒弟赴金陵兼東宋君輔

祿仕何方好金陵摠莫如廟存元帝像家
有二王書羽檄時方急文才用有餘功名
收拾了歸食會昌魚

送夏首父

霜晴鴈蕩白五日計御程野燒明山店輕
輿憇嶺平乞銘甘久客爰母起歸情孝極
天為感師文早晚成

挽林敬之

閉門嘗讀易避世意如何有酒可消悶無
增不種莎閑時尋舊友月夜步新河我亦
逃名者題碑愧爾多

金賢良

虛號賢良豈療飢短衣結袖竟何為空携
痛哭能言策不遇勤求下詔時老去說詩

猶有味寒來索酒莫教遲家貧身死知無
計自有旁人為立碑

學海樓和水心先生韻

江口潮生夜語喧月殘惟有數星存更覓
高處觀空闊始悟乾坤是易門

下僊勝回寺有懷

山中初寄隱野寺一天星路遠有如此客
來應未能蛩催寒姬緯蟬雜夜僧徑忽憶
忘形反微吟自剔燈

趙成子

早年名字諸公並唯有清聲獨至今辭却

雙旌更何事自扶灵壽斫
閑吟病來便作
雲歸岫死矣猶如鶴在陰
終始哀榮了無
恨只愁塵鎖匣中琴

送文子監草料場

坐局何煩聽曉雞
豆萁首宿亦詩題
好文
不愛今人醉色養
寧嫌古署低
翰苑舊交
應願訪相門新近事
招携歲寒惟有君
于我老去過從許
杖藜

寄鴈蕩詩僧

鴈蕩峰前夜雨晴
空房不住有蟬聲
一身
閑後髮難白
五字吟來思極清
少見出山

多入定還于夏末起
秋程何如更待黃花
節願我來遊計已成

李白墓

野火燒殘竹數枝
詩魂飄蕩定何之
娟娟
秋月照采石
不在荒墳在水湄

漁父二首

偶來浦口芰荷香
綠葉叢中睡一場
須信
至人無妄想
不曾有夢見文王
利薄每言隨分過
避名不入愚溪路
春深
雨足釣絲長
夜來又宿蓑衣步

州醺席上賦牡丹得日字

粉淡与妖红占盡陽和出春去在商量更
費吟人筆此是洛陽花尚帶長安日持上
使君墀寶餅分甲乙

寄龍虎山道士孔野雲

上清三十六院閣皆幽清漱齒泉新汲晞
髮日始昇自除燒墨竈晝夕誦黃庭所得
異疇昔出山畏逢迎同當知非年寄詩聊
寫情

夜坐陳溫良見訪

清夜焚香篆閑者郊島詩自憐多冷寞誰
足慰哀遲樹雪明牕紙餅梅落硯池君心

亦無事相對坐移時

送翁靈舒閑遊

袖有新詩如美玉知君去意十分濃山行
見草認靈藥午歇就陰依古松兩鬢已添
蓬鬢色三年判作飄零蹤羈情夜後更愁
絕深澗新猿溪寺鍾

先寄郭子奇

世道祇如此君心我得知先教我菊在頭
作去官期夢覺秋風起行吟夜月遲懷人
幾十載欣有扣門時

喜葉謙夫歸

老思忽爾爽親朋得意歸菊觴奉親壽柳
色上儒衣宅旺看山勢門清有釣磯我未
聊問字澹坐月侵扉

挽潘母

獨翫隔廳月淒涼三十年眇然儒素業翻
以姆儀傳生計無中有衰齡病後延誰為
市貞石高刻墓之前

送趙主簿

內地無烽火詩人入仕林定將詠物意移
作愛民心晤語初同調分携便不禁卜鄰
曾有約久後得相尋

送陳器之赴紹興初官

郡古湖如鏡照人心
瞻清閑曹應事簡盡
日讀書声府主舊知舉同僚親弟兄人言
遊官樂難得比君榮

哭周宗彝

已嘆交情看漸少
聞君怛化重傷神
手栽寒竹惟添笋
堂掩空山不見人
舊說媾婚今且置
新懷情悃向誰陳
獨憐頭白曾參
母清夜悲號血淚頻

送項季約入成都幕

閣書入兵幕束袖學戎裝
峽峭艤侵月秋

清猿嘯霜迂程看陣磧到處宿詩堂若比
仲宣樂輸君髮未蒼

送郭子奇

永嘉官滿後歸處是仙居柳舞陶潛徑桃
迎阮肇車名高唐寺塔篋滿晉人書看步
青雲上題緘寄隱廬

送趙泽民赴鄱縣

高人為令尹政事豈尋常
炎月不避暑清
夙心自涼水流衡嶽色酒帶芷蘭香
遠想
濯纓暇思予有詠章

大龍湫

昔聞天下山衡嶽稱崇丘又聞天下水江
漢為巨流古有山海經歷一叙九州李唐
三百載詩家無一留及觀鄱道元此地亦
不收不知諾矩那何事能窮搜我未玄妙
境萬丈懸清湫石壁去無極百里彌道周
雲氣冒群岫龍宮深以幽輕輿巖壑底竟
日涉溪遊陰晴異瞻矚遠近難搜接飄如
飛素練粲若散琳瑯風掀一潭雨佛坐四
時秋喧呼勢益驟迅湧聲彌吼變化有如
此溥博誰與儔吾謂神龍力豈翳人鬼謀
稽首荷玄遇久坐勞雙眸一盃却嵐暑旋

步轟雷稠以吾澹世慮歛起杞人憂何當
騎天狼滿引射斗牛

新橋

獨扶瘦杖欲經過為問高僧意若何自倚
神通能渡水却言佛法本無多

寒山寺壞莊產盡為勢家所奪余
遊天台甚為普賢惜之陳約甫攝
郡號不畏強禦者必能与寒山出

氣

寒山寺廢佛燈寒有客來遊欲住難夙世
問丘今攝郡不妨饒舌似豐干

哭劉詠道

案上韓文與杜詩小齋閑澹亦相宜人憐
貧病憂無計自說文章樂未涯礼合古初
山友哭衲從先世夕郎知生平直諒嗟何
往不是哀辭是誄辭

送張直翁

宰公詩句是騷人官舍况臨湘水濱衡嶽
望中思策蹇滄浪清甚欲垂綸長于一縣
花開後獨訪三閭廟裏頻元亮何曾籍知
已翩然出處自由身

送王倅之興化

梅溪好源委流德至今存
獨徒賢人業共推君子孫
官清五字好叫小貳車
尊所歷七閩郡從茲水不渾

二 挽趙孺人余中表也

幼小同群戲年加各所之
常疑艷花卉終是易離披
夫壻新袍綠兒男半髮垂
送歸蒿里道興我渭陽思

趙叔魯端行胡象德携酒見頌

一賢二公子枉駕瓜廬
丘烹魚載美酒竟夕為我留
評詩仍和曲奉白不計籌
情忘竟歡暢礼厚愧莫酬
今朝風雨橫欲謝出

無由

挽徐左史

左史聲名空復存
如今往事不堪論
惟應指佞當前陞
已判身歸老故園
驄馬引喪寒有淚麒麟
卧塚寂無言
人生遇合萍相似
何處分明怨与恩

送鮑份父

地僻官仍小茲行古迹多
矩羅應失笑龐媪亦經過
宦業知餘事宗風竟若何

滿舍是青莎

挽張彥文提舉

七十童顏在，倏然物外幽。
組衣藏蠹篋，散服上漁舟。
此日移松槩，前時為菊苗。
山連象浦館，誰記孟家遊。

淨光長老極能詩

近住城中寺，陰雲漬竹房。
雨多香篆久，春去藥苗芳。
室裏從人問，吟邊與世忘。
一身全是道，頭白有何妨。

朱清之

添水日夜白，之人信所宜。
隱于陶令酒，甘謝却詵枝。
江渡月偏滿，家庭歲有規。
不知君沒後，誰主菊花期。

送蔣肖韓赴弋陽

弋水橋邊接長官，水晶山色讓清寒。
共知彫斲今稱劇，自倚廉勤道不難。
吏退早衙花谷靜，鶴翔秋祀訟庭寬。
從來遇事無凝滯，應只愛民勞寸丹。

送謹師

謹師牢絆脚，語別意茫茫。
入寺春隨秋，當禪月滿床。
多因新見解，拋却舊蒨章。
為我金山去，鉗鎚問一場。

挽宋耆卿

人如韞玉操，如冰拾芥推。
梨世豈能案上

有琴止舊響墓頭無火續寒燈一官祇是
出閑過百行惟須健筆稱此曲調高知者
少朗吟喚得九原應

送高郵周主簿兼呈陳居端

遠縣重湖色難同主簿清雖云古郵置不
似近邊城月落淮田闊風晴隋柳輕鄉人
在曹職相得為詩情

寄守上人歸闕省親

從小服緇素三衣竟不長心空無物礙頂
重有詩囊去與雲相似未期春未央家山
指壹草微笑奉高堂

無題

平生愛菊與梅花菊比淵明梅似逋誰知
此道今寥落愛菊愛梅人也無

戊子七月十一日

貧因幾首詩閑高一着茶瓜田常嘿坐不
願有人知

瓜廬詩

附錄

四靈留題

奉題

薛景石瓜廬

徐

照

何地有瓜廬
平湖四畝餘
自鉏畦上草
不
放手中書
人遠來求字
童閑去釣魚
山民
山上住
却羨水邊居

趙

師秀

不作封侯念
悠然遠世紛
惟應種瓜事
猶
被讀書分
野水多於地
春山半是雲
吾生



嫌已老學圃未如君

徐

璣

近舍新為圃洗鉏及晚涼因看瓜蔓吐識
得道心長隔沼嘉蔬潔侵畦異草香小舟
應買在門外是漁鄉

翁

卷

卜得無塵地載花仍結廬雖然親隴畝還
不離琴書洲暖煙藏樹波寒日照魚東陵
人已遠新興復何如

程景思刻

薛瓜廬墓誌銘

松

臺

王

綽

撰

永嘉之作唐詩者首四靈徒靈之後則有
劉詠道戴文子張直翁潘幼明趙幾道劉
成道盧次夔趙叔魯趙端行陳叔方者作
而鼓舞倡率從容指諭則又有瓜廬隱君
薛景石者焉諸家嗜吟如啖炙每有文會
景石必高下品評之曰某章賢于某若于
某句未圓某字未安諸家首肯而意慙退
復競勸語不到驚人不止然景石不但工
于詩而其小楷初授法于卓炳文日徑月

緯已忽起詣識者嘆其得昔人用筆之意
蓋詩自建安以來醜製屢變至開元元和
而後極工書由魏晉而下法度漸失迨歐
虞褚薛而迄不可復景石著句必于郊島
之間落筆期于鍾王之次詩寢逼唐人而
書不止于唐人焉斯亦竒已徒諸家後又
有徐太古陳居端胡象德高竹邠之倫風
流相沿用意益篤永嘉視晉之江西幾似
矣豈不盛哉然不知者謂此特晚唐之作
夫使晚唐若杜荀鶴鄭谷輩置一語于前
人集中雖稍通句律者能辨諸家顧不能

而襲其迹乎是又可与智者道之爾薛氏
寔廉村唐補闕令之、後傳十有四世而
至魯祖敷文閣待制公弼祖福州教授
公叔淵父華州雲臺觀公浩母宜人王氏
周氏景石襟韻疏曠卓犖有大志視寒生
寒士思欲盡取衣食之困于力不給而止
然猶經理整緝隨所有丐与之築室于會
昌湖上敲榜擊楫日与漁翁釣叟相忘于
可欵之間余舊与讀書于長老山景石坐
澹岩掬流泉抵掌長嘯採茶芽松花以茹
之真若忘世然者已迺酌古今談世務究

竒正相生之變而推考八陣旁及遁甲縱橫斂散其論高于人數奪蓋家學之傳遠有端緒景石又能錯綜而發揮之嗟夫余老矣所恃以詔其後者碩一二友在而子舒既亡景石又不少留焉其能不漸盡也耶景石卒于紹定改元之八月二十三日年五十有一娶木氏尚書禮部公待問女六子長嵩國子監進士次峻國季免舉生次嶠髦彤彪三女長適黃善幼未笄景石不心工小楷籀篆斯隸深造其極四方士友求于門景石不靳惜畀之大者徑三教

尺許銘祖父有不得景石書為恨諸孤卜明年三月之二十九日葬于永嘉縣吹臺鄉橫嶼之陽屬余銘余因期景石之挽我者而反銘之乎景石諱師石有瓜廬集若干卷銘曰

蜂之螫兮蠅營蟻之埵兮蝸阻兵排
廣莫兮隘滄冥匪南冥之鯤與東海
之若兮誰其與銘

竊嘆古今知名士非文字言語固無以垂
後而後之人乃以其人之賢與否而定去
取之目則所重者蓋不特文字言語間也
陶靖節之潔操絕俗杜工部之忠恪愛君
李太白白樂天皆先頌其人而後及其詩
若瓜廬耕釣于會昌湖上隱然古君子融
液羣書于世味澹無所羨故于詩多肥遯
之辭舒性情之正得象外之趣酌繩尺之
嚴想其人晉宋人也讀其詩止于唐可乎
交道寒落無所統盟拊卷重感嘉熙二年
立夏日荆山劉植



余蚤游東嘉于

瓜廬君授分取畧是集所詮次非晤語可
及則書題所絨寄也掩卷俛仰遂成予古
悲哉然君最愛劉長卿詩余一日偶問姚
賈如何則曰某自愛此何論姚賈後十年
復過之則手翻口誦一以杜老為師矣且
時、為余言詩惟恐其不空遠空易到達
難及余洒然識其所謂今是集所編大槩
趣極澹意極玄句法極精妥霜松雪柏雖
不以葩卉自命然虬枝直上勢摩霄漢人
不得不仰而視也信矣其名家哉余猶記

其游鴈山有丰洞容千佛諸峰共一雲石
橋有泉涌龍頻躍山灵烏不耒之句而是
編乃獨逸何邪暇日更當從趙東閣評之
東谷王汶

青門隱趣也隱而廬為趣成矣

薛景石悟簡恬于群動續雅正于千古聲
調所寄不假斧鑿世評其詩如陶彭澤梅
都官蓋人品同夷澹同所發者自不能異
也諸兒既廣為帙流播海內且各以功名
文字自見期昌翁詩景石亡猶生矣世固
有琅之音迭出源之脈隨泯者生其
猶亡乎此余于瓜廬編加敬西里趙希迈

予讀四靈詩愛其清而不枯淡而有味及
覩瓜廬詩則清而又清淡而益淡始看若
易而意味深長自成一家不入四靈隊也
蓋四靈詩雖擺脫塵滓然其或仕或客未
免與世接猶未純乎淡也若瓜廬則終身
隱約不求人知其所為詩若淳音淡泊自
有餘韻其分數又高矣此水心先生之所
稱賞而諸靈之所推遜而待以別席也瓜
廬沒後其詩始出而求者益衆平生所為
詩不多其子峻輩始收拾僅得幾篇旋錄
諸叔以應好事者之求峻以明經進士為

嘗德郡博士亦喜吟哦工字畫雅有父風
而出處異矣淳祐丙午夏五東眺老人曹

龜題

瓜廬吾宗人也吾不得而見之得見
其詩斯可矣太息而題于卷杪

獨卷薛美

結廬兄弗近長安弊却儒冠竟不彈自如
足來輕漢名曾將瓜去博唐官貧多樂事
清無盡手寫新詩墨未乾史筆須評隱君
傳姓名教做古人看

寄薛景石

趙師秀

虛窓夙颯然獨臥聽殘蟬家務貧多闕詩
篇老漸圓清秋添一月故里別三年最憶
君門首黃花匝野泉

呈蔣肖韓薛景石

中夜清寒入緜袍一杯山茗當香醪禽翻
竹葉霜初下人立梅花月正高無欲自然
心似水有營何止事如毛春來擬約蕭閒
件重上天台看海濤

吳中、秋懷瓜廬諸友

趙希迈



國家圖書館, NATIONAL CENTRAL LIBRARY, TAIWAN, R.O.C.

涼分一半秋此夜客吳州無友侶共明月
喚僧同倚棹天虛雲氣盡凡靜桂香浮
憶前年醉狂吟滄海頭